

Bofhele. Geschribenn czu Danczke Den anderen Sonnobenth In Der fasten Ao 48

Ewer f. g.
Dinsthwilliger

Jacob Kampe.

Ich Bitte: E: f: g: Vmen eyn genedigk antwort —

A.-V. Jacob Campe schreibt belangende Jacob Ditterich der wasser kunsth halben zu Koppenhag aufs schlos zu furen, uberschicht ein Copey Der brief an Konig zu Dennemarck. Zeitung von Hamborch schreibt wes des korn und Saltz gilt. — Dat. den andern Sonnabent In der fasten Ao. dmi XLIII.

V. (27.)

Jacob Kampe schreibt dem H. A. nochmals wegen der Wasserkunst und fügt die Copie eines Briefes König Christians an ihn in dieser Angelegenheit ein.

1543. Dienstag vor Mittfasten. 27. Februar. Danzig.

Ad. Dem Durchlaughtigesthenn hochgebornen fürsthenn hern vnd hern Albrecht vonn [gottis] genoden Marggraff Cz[w] Brandenburgk und In [preusen] herczogk. — meinen [genedigen] hernn.

Aller Durchlaughtigisthe großmechtige genedige herre Ewer furstlichenn genoden gesuntheit vnd gluckselige Wolffart mith sampt alle Den ewren hore Ich allezeit gernn als von meinen genedigen hernn.

Also thu Ich Ewer f. g. Dinsthbarlich czw wissen wy Ich Denne kurzlich E. f: g: geschriben habe Bey her Cristoffer Beyer vff preusche Merkte so hoffe Ich Jo Das E: f: g: meinen Briff vnd auch dy kopie entfangen wy Ich kon. Maj. In Dennemarcken meinem genedigen hern In Czwe Brifen Czu geschriben habe Der Wasser kunsth halben Die Jacob Ditterich vormeyneth hoth Das Wasser vff das schloß kopenhagen mith Roren vffczwleythenn vnd wie her den das kon. Maj. meynem genedigen herren Weither gesageth vnd angetragenn hoth. —

Vnd wy Denne disser Jacob Ditterich auch E. f. g. des gleichen angesageth hoth vnd das er hir Bey drey Wochen langk solthe gewesen sein vnd hette keyn Boscheit offthe guth anthworth von myr nicht konnen erlangenn. — Also das her dis: E: f: g: alczw milde vnd czw file angethragenn vnd gesageth hoth Wenthe Szo er hir doch nicht vber drey tage gewesen isth vnd das Ich mich auch mith Im Befleisigeth habe hir Bey dem Roremeister Der hir Die Rören pfflegt Czw Baren vnd der auch weiß